

GJALDSKRÁ

fyrir afnot flugvalla.

1. Gjaldsvið.

- 1.1 Gjaldskrá þessi gildir fyrir afnot flugvalla á Íslandi, annarra en Keflavíkurlflugvallar.
- 1.2 Gjöld fyrir millilandaflug verða innheimt fyrir afnot alþjóðlegra flugvalla á Íslandi. Skrá yfir þá flugvelli er birt í flugmálahandbók (AIP Iceland), sem gefin er út af Flugmálastjórn.
- 1.3 Gjöld fyrir innanlandsflug verða innheimt fyrir afnot þeirra flugvalla þar sem flugupplýsingaþjónusta er veitt. Skrá yfir þá flugvelli er birt í flugmálahandbók (AIP Iceland), sem gefin er út af Flugmálastjórn. Flugvélar sem notaðar eru í flutningaflugi greiða lendingargjöld.

2. Lendingargjald.

- 2.1 Fyrir hverja landingu loftfars í millilandaflugi á flugvöllum utan Reykjavíkur, sbr. gr. 1.2. skal greiða gjald samsvarandi 7,05 Bandaríkjadöllum fyrir hver byrjuð 1.000 kg af massa þess. Lágmarkslendingargjald skal vera samsvarandi USD 100 þó með þeim fyrirvara að umrætt lágmarksgjald gildi aðeins fyrir loftför sem hafa 5.700 kg massa eða meira.
- 2.2 Fyrir hverja landingu loftfars í millilandaflugi í Reykjavík, sbr. gr. 1.2. skal greiða gjald samsvarandi 10,00 Bandaríkjadöllum fyrir hver byrjuð 1.000 kg af massa þess. Lágmarkslendingargjald skal vera samsvarandi USD 100 þó með þeim fyrirvara að umrætt lágmarksgjald gildi aðeins fyrir loftför sem hafa 5.700 kg massa eða meira.
- 2.3 Fyrir loftfar með massa 1.500 kg og yfir skal greiða, fyrir hver byrjuð 1.000 kg af massa þess, kr. 238 fyrir hverja landingu í innanlandsflugi, sbr. gr. 1.3.
- 2.4 Fyrir þjónustu flugvallar eða notkun utan auglýstra þjónustutíma greiðist að auki gjald sem svarar til kostnaðar við útkall starfsmanna, þó ekki ef um er að ræða tímabil dagvinnu kl. 09.00 – 17.00 virka daga.

3. Stæðisgjald.

- 3.1 Stæðisgjald er ekkert fyrir fyrstu 6 klst.
- 3.2 Fyrir næstu 24 klst., eða brot þar af, skal fyrir loftfar í millilandaflugi greiða stæðisgjald samsvarandi 1,40 Bandaríkjadöllum fyrir hver byrjuð 1.000 kg af massa þess.

4. Undanþágur.

Eftirfarandi undanþágur eru veittar frá lendingar- og stæðisgjöldum:

- 4.1 Loftför í leitar- og björgunarflugi.
- 4.2 Loftför í kennsluflugi.
- 4.3 Loftför sem verða að snúa við til brottfararflugvallar vegna veðurs eða annarra orsaka.
- 4.4 Loftför sem lenda eftir að hafa farið prófflug eftir viðgerð, enda hafi ekki verið lent á öðrum flugvelli.
- 4.5 Loftför sem eingöngu flytja erlenda þjóðhöfðingja eða aðalframkvæmdastjóra Sameinuðu þjóðanna og fylgdarlið þeirra.
- 4.6 Loftför í eigu íslenska ríkisins eða rekin af því.
- 4.7 Að öðru leyti er Flugmálastjórn heimilt að fella niður lendingar- og stæðisgjöld, þegar sérstaklega stendur á.

5. Þjónustugjald.

- 5.1 Heimilt er að innheimta þjónustugjald af loftförum í millilandaflugi samkvæmt gjaldskrá staðfestri af samgönguráðuneyti.
- 5.2 Sé þjónustugjald ekki innheimt af Flugmálastjórn, skal það greitt til félags, sem hlotið hefur heimild Flugmálastjórnar til að annast þjónustu við loftför í millilandaflugi.

6. Leigugjöld.

Heimilt er að innheimta leigugjald fyrir afnot húsnæðis, flugskýla eða lóða á vegum Flugmálastjórnar. Upphæð leigugjalda skal almennt við það miðuð, að þau standi straum af tilkostnaði Flugmálastjórnar við umrædd mannvirki.

7. Almenn ákvæði.

- 7.1 Þar sem getið er um massa loftfars er átt við leyfilegan hámarks massa þess.
- 7.2 Með flutningaflugi er átt við rekstur loftfara sem felur í sér flutninga á farþegum, vörum og pósti gegn endurgjaldi.
- 7.3 Gjöld sem ekki eru staðgreidd, verða innheimt með útsendingu reikninga eða gíróseðla. Greiðslu ber að inna af hendi innan 30 daga frá útsendingardegi reiknings eða gíróseðils. Verði gjöld ekki greidd á gjalddaga er Flugmálastjórn heimilt að innheimta hæstu lögleyfðu dráttarvexti. Ef gjöld vegna loftfara eru ekki greidd innan 30 daga frá gjalddaga er Flugmálastjórn heimilt að aftra för viðkomandi loftfara uns greitt hefur verið.

8. Gildistaka.

Gjaldskrá þessi, sem sett er samkvæmt 71. gr. laga um loftferðir nr. 60, 10. júní 1998, staðfestist hér með til að öðlast þegar gildi og birtist til eftirbreytni öllum þeim sem hlut eiga að máli. Þyngdarviðmið samkvæmt grein 2.3. verður 2.000 kg fram til 1. janúar 1999 en breytist þá í 1.500 kg. Jafnframt er felld úr gildi gjaldskrá nr. 354, 15. júní 1998 um sama efni.

Samgönguráðuneytinu, 7. september 1998.

Halldór Blöndal.

Ragnhildur Hjaltadóttir.

AUGLÝSING**um gjöld vegna námskeiðs til að öðlast löggildingu til fasteigna- og skipasölu.**

Samkvæmt ákvæðum reglugerðar um próf til að öðlast löggildingu til fasteigna- og skipasölu nr. 519/1987 eru gjöld vegna námskeiðs sem halda á seinni árs helming 1998 ákveðin þessi:

Kennslugjald vegna I-hluta námskeiðs kr. 60.000
(innritunar- og prófgjald innifalið)

Dóms- og kirkjumálaráðuneytinu, 9. september 1998.

F. h. r.
Þorsteinn Geirsson.